



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 32. Oldegarius Archiepiscopus Tarraconensis.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Sæcul. XII. AGUR. Monachos amare conquerentes dixerint:
AGUR. *Quid jam aliud restat, quid aliud nobis
 expectandum, nisi ut Baculo annuloque pri-
 vati eorum Ordinationi subjiciamur?
 quippe Ecclesias, agros, Arces, decimas,
 Oblationes vivorum mortuorumque possi-
 dent. Tumque ad Papam conversi, Ca-
 nonicorum, Clericorumque gloria, ajebant,
 obscuratur, ex quo monachi, missis cælesti-
 bus desideriis, ambitione inexplebili Jura
 Episcoporum invadunt, homines, quos jux-
 ta S. Benedicti Institutum quiete vivere
 oporteret. Conjecturæ locus est, ob has
 Episcoporum querelas, Canonem, a me
 postremo relatum, fuisse conditum.*

§. XXXII.

*Oldegarius Archiepiscopus Tarraco-
 nensis.*

*Quæ in Concilio Lateranensi de bello
 Cruciatorum in Hispania dicta sunt,
 ap. Boll. to. 6. p. 488. facilius intelliguntur ex Bulla Callisti II.
 eodem tempore Oldegario Archiepisco-
 po Tarraconensi concessa. Ea ad omnes
 Christianos dirigitur, quos Papa hortat-
 tur, ut ad defendendam Hispaniæ Eccle-
 siam, ab Infidelibus oppressam, arma ca-
 piant, illis, qui in hoc bello militarent,
 eandem Indulgentiam, ac Defensoribus
 Ecclesiæ Orientis, promittens. Tum
 subjungit, sermone ad milites directo,
 Quia vero nos ipsi exercitum vestrum, li-
 cet*

cet id cupiamus, adire non possumus in Sæcul. XII.
bunc effectum, carissimum Fratrem no- A.C. 1123.
strum Oldegarium Archiepiscopum Tar-
raconensem cum potestate Legati A LA-
TERE, ad gerendas vices nostras, consti-
tuimus. Hæc Bulla, secunda die Apri-
lis, statim post solutum Concilium, da-
ta est.

Oldegarius Barcinone ortus, prima *vit. ap. Boll.*
 atate, Ecclesiæ S. Eulaliæ oblatu, *6. Mart.*
 dem Canonicus, & deinde Præpositus
 fuit. Tum Abbas Canonicorum Regu-
 larium S. Rufi prope Avenionem eligitur,
 atque, Raimundo, Episcopo Barcinonen-
 si, cum in Insula Majorica contra Mau-
 ros militaret, anno millesimo centesimo
 decimo quarto, occiso, subrogatur. Ipse
 vero, ad Abbatiam suam S. Rufi confu-
 giens, post duos demum annos, ad reci-
 piendum Episcopatum, districto Romani
 Pontificis Paschalis II. imperio, & Comi-
 tis Barcinonensis precibus, compelli po-
 tuit. Primo Episcopatus ejus anno Se-
 des Tarraconensis vacavit, Berengario *Sup. lib.*
 fati functo, qui cum esset Episcopus Au- *LXIII. 9.*
 sonensis ab Urbano II. Papa obtinuerat, *49. 54.*
 ut Metropolis Tarraconensis restituere-
 tur. Tunc vero Comes Barcinonensis
 Raimundus Berengarii filius Oldegario
 Episcopo ejusque Successoribus civita-
 tem & territorium Tarraconense dona-
 vit, cum potestate incolas inducendi, iis-

K k 5 que,

Sæcul. XII. que, ut luberet, leges dandi, solo sibi fu-
 A.C. 1123. premo Dominio & Palatio reservato.

Quod Donationis diploma vigesima tertia
 Januarii anno millesimo centesimo deci-
 mo septimo datum est. Verumtamen
ap. Boll. & Marcam nec Raimundus Episcopo, nec prius Be-
Hisp. pag. rengarius Raimundi parens, Urbano Pa-
 1247. pæ magnam rem contulerant; nam illa

Orderic. lib quercubus, & fagis aliisque vastissimis
 13. p. 892. varii generis arboribus abundans, nec
 tam urbs, quam condendæ urbis locus
 videri poterat. Oldegarius hanc dona-
 tionem a Gelasio Papa II. confirmari pe-
 titit, qui ipsi non modo Archiepiscopa-
 tum Tarraconensem cum Episcopatu Bar-
 cinonensi, cui præerat, sed etiam Episco-
 patum Tertosanum concessit, si illa urbs
 Christianorum armis iterum e manibus
 Saracenorum erepta ad statum perveni-
 ret, quo proprium Episcopum habere
 posset. Adjecit Pontifex omnia jura
 Metropolitanæ competentia, Ordinatio-
 nem Suffraganeorum suorum, convocan-
 di Concilia potestatem, & Pallium. Hæc
 Bulla Cajetæ vigesima tertia Martii anno
 millesimo centesimo decimo octavo da-
 ta est.

Elapso exinde biennio Comes Rai-
 mundus urbes Tertosam & Ilerdam, pul-
 sis Mauris, recepit. Post Concilium ve-
 ro Lateranense Oldegarius, Legati Sa-
 cræ

cræ Sedis Titulo munitus, Jura Ecclesiæ Sæcul. XII.
 suæ Barcinonensis contra quorumdam A.C. 1123.
 nobilium virorum, & ipsius Comitis mo-
 limina, vigore Episcopali defendit. An-
 no millesimo centesimo vigesimo sexto,
 Episcopis & Principibus ipsius cura con-
 gregatis, Immunitas Ecclesiastica stabili-
 ta est, & Reges Arragoniæ & Castiliæ
 ipso conciliante pacem sanxerunt. Sa-
 tis vero intellexit Oldegarius, nunquam
 Civitatis Tarraconensis constans incre-
 mentum sperari posse, nisi præsidium ac-
 ciperet a viro, rei militaris gnaro, qui ci-
 ves adversus Maurorum, impune agros
 depopulantium, incursus tueretur; eo
 igitur consilio, Robertum Acilionensem,
 alio nomine *Bordetum*, virum e gente
 Normannorum nobilem, jam prius fixam
 sedem in illa regione habentem, delegit,
 cui urbem Tarraconensem concessit, ut
 eam tanquam Vasallus Ecclesiæ posside-
 ret, civium numerum augetet, regeret,
 & prout magis e re esse videretur, defen-
 deret, solis decimis & Bonis Ecclesiasti-
 cis sibi reservatis. Hæc Donationis For-
 mula anno millesimo centesimo vigesimo
 octavo, elapso decennio, ex quo eam ur-
 bem Episcopus a Comite acceperat, da-
 ta est. Porro Oldegarius quoque suis
 partibus non defuit, sed Ecclesiam Me-
 tropolitanam Tarraconensem, & com-
 plures alias in illa provincia, pæne col-
 lapsas,

Sæcul. XII. lapsas, restauravit, Nosocomium & Do-
A.C. 1123. mum Templariis fundavit, & tandem
 sexta Martii, anno millesimo centesimo
 trigesimo septimo, animam in manus
 Creatoris reddidit. Complura miracu-
 la ipso apud Deum intercedente edita
 narrantur, Barcinonenses eum honore,
 quo Sanctos colimus, prosequuntur, &
 Arragoniæ Reges sæpius diversis tempo-
 ribus, ut in Catalogum Sanctorum refer-
 retur, Romæ postularunt.

§. XXXIII.

Sugerius Abbas S. Dionysii.

vit. Ludov. Sugerius Abbas S. Dionysii in Francia,
p. 310. 311. anno Ordinationis suæ secundo, Con-
 cilio Lateranensi interfuit. Ei a Rege Lu-
 dovico ad Papam, negotiorum ad Re-
 gnum Franciæ pertinentium causa, in
 Italiam misso, & inde redeunti in itinere
 nuncii indicaverant, Abbatem suum Ada-
 mum ex hac vita migrasse, ipsumque per
 electionem defuncto fuisse subrogatum.
 Tum cum ad monasterium pervenisset,
 Rex electionem confirmavit, quæ prius
 ipsi tanquam se inscio peracta non pro-
 babatur. Sugerius ergo, tunc in gradu
 Diaconorum constitutus, in Sabbato
 Hebdomadæ quartæ Quadragesimæ, an-
 no millesimo centesimo vigesimo secun-
 do, Presbyter ordinatus, altera die, Do-
 minica, Benedictionem Abbatialem ab
 Archi-

Chron. S.
Dion. to 2.
Spicil. pag.
 809.